

obiectum, deffectus incommodus aut noxæ cuiuslibet alterius detrimentum; sed in suo semper robore et firmitate persistat. Fidelitate tamen nostra et successorum nostrorum Regum Aragonum, et aliis iuribus nobis et nostræ Regiæ Curiae debitis et pertinentibus in dicto Oppido seu Loco de SOLTERRA et eius districtu, et aliis semper salvis. Hanc autem gratiam et concessionem tibi dicto DON IOANNI DE CARRIERA et successoribus tuis ex sanguine facimus et elargimur, cum expressa conditione, et non sine ea aliter, nec alio modo; quod in prædicto Comitatus Titulo et Territorio de SOLTERRA (super quo imponitur) succedatur per viam Maioratus. légalis, sive regularis; si iam non fuerit, vel parte, vel per alios Maioratus suppositum. Et si iam Maioratus subiitatur, succedatur iuxta legem dictam in Maioratus institutione. Ac etiam quod dicto Titulo et eius præminentis et prerogativis fruatur per te et per tuos ex sanguine successores gradatim et successive per obitum possessoris, quia possit ante diem Maioratus cedentem, in successorem transferri. Nec possitis (etiam deficientibus legitimis successoribus) vendere, alienare, vel transferre dictum Territorium de SOLTERRA; nec Comitatus Titulum super illo positum, in personas alterius familiæ extraneæ, quibus præfata qualitas non assistat; quin præcedat nostra Regia licentia et facultas, aut successorum nostrorum Regum Aragonum. Et si forte absque Regio permissu, alienari de facto contigerit; persona, seu personæ in qua, vel in quibus fuerit facta alienatio, non habeantur pro Comitibus; nec honoribus Comitatus Titulo correspondentibus et debitis tractentur. Quoniam si possessor transferre seu alienare præsumpserit, Territorium et Titulum præfatum in familiam extraneam, cui ius sanguinis non assistat, ad Maioratus successionem per lineam virilem, vel feminei sexus (prout qualitas Maioratus exposcat) nostra Regia voluntas et intentio est quod non fiat dicta alienatio, seu translatio, nec per contractum inter vivos, nec per ultimam voluntatem quin prius certiores nos reddat, de qualitate familiæ, in quam alienatio sit facienda, et nostrum Regium permissum et assensum assequatur; cum sic expediat decori et splendori quibus isti honores et dignitates statui, et conservari debent. Don Ioanni ab Austria propterea meo consanguineo Magni Priori Ordinis Sancti Joannis, à Consilio Status, Gubernatori et Capitaneo Generali inferioris Germaniæ, Flandriæ, Charloes et Burgundiæ, Generali maris, Gubernatori Generali omnium armorum maritimarum, nostro Locumtenenti et Capitaneo Generali in prædicto Aragonum Regno, et Vicario Generali huiusmodi totius Coronæ, Illustribus vero, Spectabilibus, Egregiis, Venerabilis, Nobilibus magnificis, dilectisque Consiliariis et fidelibus nostris,